


LETTRES PA-
TENTES DV ROY,
POVR LA RECHERCHE
des Financiers.



A PARIS,

Chez P. METTAYER, Imprimeur &
Libraire ordinaire du Roy.

M. VI. V.

Avec Privilege de sa Majesté.

LETTERS PA-
TENT FOR
IMPROVING
THE METHOD OF

(see
F

39

.326

1605 fsc

THE NEWBERRY
LIBRARY

CHAS. NEWBERRY & CO.
LIBRARIANS
11 N. W. M.
NEW YORK



LETTRES PATENTES
DV ROY, POUR LA RE-
cherche des Financiers.

HENRY PAR LA GRACE DE
DIEV ROY DE FRANCE
ET DE NAVARRE. A nos
amez & feaux Conseillers les gens te-
nans nostre Parlement, Chambre de
nos Comptes, Cour de nos Aydes à
Paris, Salut. Pour faire cesser les re-
cherches qui nagueres se faisoient,
tant en nostre Chambre Royale, que
pardeuant les Commissaires & autres
Iuges à ce deputez par nos Prouinces,
contre les officiers de nos Finances,
Gabelles, Commissionnaires & autres,

A ij

pour les pretendues maluersations cō-
mises au fait & maniemēt de leurs
charges, nous aurions à leur instante
requeste & supplication & sur les of-
fres & promesses par eux faictes de
nous secourir par prest de quelque
somme moderee pour la neecessité de
nos affaires, reuocé ladite Chambre,
Commissaires & Iuges susdits, & à ce-
ste fin faict expedier en faueur desdits
officiers & Commissionnaires nostre
Edict du present mois, par lequel leur
auons liberalement quitté, remis &
pardonné lesdites fautes par eux ainsi
commises. Mais d'autant qu'il pour-
roit estre qu'aucuns d'entre eux abu-
sans de nostre grace, se voudroient
preualoir dudict Edict, & se dispenser
par le moyen d'iceluy de payer leur
cotte part de la leuee par emprunt que
nous entendons estre faite sur tous

ceux de nosdits officiers de Finance,
 qui volontairement y voudroient cō-
 tribuer, ne voulant neantmoins au-
 cun à ce faire estre contrainct, sinon
 par les voyes ordinaires de la Iustice.
 NOVS A CES CAUSES de l'aduis de
 nostre Conseil, & de nostre certaine
 science auons dict, déclaré & ordon-
 né, disons, declarons & ordonnons,
 voulons & nous plaist, que tous ceux
 de nosdits officiers des Finances, Com-
 missionnaires & autres, de la qualité
 portee par nostredit Edict, qui dans la
 huietaine apres la signification qui
 leur en sera faite declarerōt ne vouloir
 payer leur cotte-part dudit emprunt,
 ne pourrōt à ce faire estre contraints,
 mais demeureront subiets ausdites re-
 cherches, tout ainsi comme ils estoiet
 auparauant ledit Edict, & pardeuant
 les Commissaires qui seront par nous

deputez en nostre bonne ville de Paris, pour l'execution de ladite leuee, pardeuant lesquels lesdits Officiers, Commissionnaires, & autres de ladite qualité, seront tenus de respondre de tous les cas dont ils pourront estre deferez, recherchez, ou accusez, à cause du maniemment de leursdites charges, depuis l'annee mil cinq cens quatre vingts cinq, sans qu'il se puissent ayder, ny preualoir aucunement de nostredit Edict d'abolition. Laquelle declaration ils seront tenus faire dans la huietaine és greffes de leurs Iurisdctions, en personne, & enuoyer l'acte dans la quinzaine ensuyuant en celuy desdits Commissaires. A faute de quoy faire, & ledit temps passé ils seront contraints à leurs despens au payement de leursdites cottes, ainsi qu'il est accoustumé pour nos propres deniers & af-

fares. Et lesquelz Commissaires serōt par nous choisis & deputez d'entre vous, & aucuns des Maistres des Requestes ordinaires de nostre Hostel, iusques au nōbre de dix, lesquelz neātmoins pour euitier au retardemēt de la Iustice, qui pourroit arriuer pour l'absence, maladie, ou legitime empeschement d'aucuns d'eux, pourront cognoistre, iuger & decider souuerainement en nombre de sept, tous les procez & differends ia cydeuant meus en ladite Chambre, lesquelz à ceste fin nous auons r'enuoyez & r'enuoyons pardeuant eux en l'estat qu'ils sont, & toutes les appellations interiettees ou à interietter des Commissaires cy deuant enuoyez par nos Prouinces, comme aussi pour instruire & iuger tous autres procez qui seront meus ou intentez cy apres pardeuant eux, pour

raison des cas dessusdits: ensemble des appellations qui pourront estre interiettes des Iuges qui seront par nous choisis dans les Prouinces, de la qualité, probité, & experience requise au faict de Iudicature, hors de toute suspicion, faueur ou alliance, pour cognoistre, instruire & iuger desdits cas en premiere instance, en la mesme forme, & avec le mesme pouuoir & auctorité qu'auoient les autres Commisaires susdits. Voulans que les iugemens & arrests qui seront ainsi rendus audit nombre de sept soient de pareille force & vertu comme ceux de nos autres Cours souueraines, Ausquelles & à tous nos autres Iuges nous auons interdit & deffendu, interdisons & defendons route Cour, iurisdiction & cognoissance des faits susdits, & que les procez qui estoient pendans en la-
dite

dite Chambre Royale, & pardeuant les
 Commissaires desdites Prouinces: en-
 semble tous les papiers, charges & in-
 formations, memoires & instructions,
 lesquels par nostre Edict d'abolition
 nous aurions ordonné estre apportees
 au greffe de nostredit Conseil, soient
 incontinent & sans delay mis & por-
 tez en celuy desdits Commissaires, les-
 quels nous auons désapresent establis
 & establissons pour cest effect en la
 mesme Chambre du Conseil, où se
 fouloit tenir ladite Chambre Royale,
 & à ce faire & souffrir voulons estre
 contrainsts tous ceux qu'il appartiendra,
 par toutes voyes deues & raisonnables,
 nonobstât nostre susdit Edict
 d'abolition, & toutes choses à ce con-
 traires. Si voulons & à chacun de vous
 ainsi qu'il appartiendra, mandons &
 enioignons que ces presentes nostre

Declaratiõ, vouloir & intentiõ, ay ez à faire lire, publier & registrer, & icelles garder & obseruer & entretenir selon leur forme & teneur. Et d'autant que desdites presentes l'on pourra auoir affaire en plusieurs & diuers lieux, nous voulons qu'au vidimus d'icelles deuëment collationné par l'un de nosamez & feaux Notaire & Secretaire foy soit adioustee, comme au present original: Car tel est nostre plaisir. Donné à Fontaine-bleau le vingt troisieme iour d'Octobre, l'an de grace mil six cens quatre. Et de nostre regne le seiziesme. Signé, HENRY. Et plus bas, Par le Roy, R V Z E'. Et scellée du grand seal de cire iaune en simple queue. Et à costé est escrit,

Registrees, oy le Procureur general du Roy, à la charge que les Commissaires qui

seront deputez ne pourront iuger en la Chābre du Conseil qu'au nombre de dix. A Paris en la Chambre des Vacations, suyuant les lettres d'adresse, le vingt sixiesme Octobre mil six cens quatre.

Signé,

VOYSIN.

Registree en la Chambre des Comptes, oy le Procureur general du Roy, suyuant l'arrest de ce. Faict le deuxiesme Decembre mil six cens quatre.

Signé, DE LA FONTAINE.

Leues, publiees & registrees en la Chambre Royale au Palais à Paris, oy & ce requerant le Procureur general du Roy en

B ij

*icelle, Monseigneur de Bellieure Chancellier
de France y seant, le vingtiesme iour de
Ianuier, mil six cens cinq. Par moy Con-
seiller, Secretaire du Roy, de ses Finances,
& Conseil Priué.*

Signé, LE TENNEVR.

